



SVAR VIÐ FYRIRSPURN

Viðtakandi: Skóla- og frístundaráð

Sendandi: Helgi Grímsson sviðsstjóri skóla- og frístundasviðs

Efni: Svar við fyrirspurn vegna framtíðarskipulags skóla- og frístundastarfs í Austurbæjarskóla, Háteigsskóla, Hlíðaskóla og Vörðuskóla

Á fundi borgarráðs 3. febrúar 2022 óskaði lagði áheyrnarfulltrúi Flokks fólksins fram svohljóðandi fyrirspurn:

Fulltrúi Flokks fólksins óskar eftir upplýsingum um framtíðarskipulag skóla- og frístundastarfs í Austurbæjarskóla, Háteigsskóla, Hlíðaskóla og Vörðuskóla. Í desember s.l. stóð foreldrafélag Háteigsskóla fyrir rafrænni könnun meðal foreldra og forráðamanna dagana 18.-24. janúar 2022. Alls bárust 142 svör og af þeim er ljóst að mikill meirihluti leggst gegn hugmyndinni um safnskóla, vill að börn Háteigshverfis sækja 1.–10. bekk í sama grunnskólanum innan hverfis og að það sé byggt við Háteigsskóla í stað þess að ætla unglingum hverfisins að sækja sér grunnmenntun í öðru hverfi. Fulltrúi Flokks fólksins óskar upplýsinga um hvar þetta mál er statt nú og hvort tekin hafi verið ákvörðun um fyrri fyrirheit um uppbyggingu og stækkun Háteigsskóla þannig að skólinn geti hér eftir sem hingað til þjónað því hlutverki sínu að vera heildstæður hverfisskóli?

Svar:

Skýrsla starfshóps um framtíðarskipan skóla- og frístundastarfs í Austurbæjarskóla, Háteigsskóla, Hlíðaskóla og Vörðuskóla var kynnt á fundi borgarráðs 4. nóvember 2021 og í skóla- og frístundaráði 9. nóvember 2021. Á fundi skóla- og frístundaráðs var skýrslunni vísað til skóla- og frístundasviðs (SFS) til nánari umfjöllunar, kynningar og umsagnarvinnu með grunnskólum, frístundaheimilum, félagsmiðstöðvum, skólaráðum og foreldrafélögum hverfanna. Haldinn var kynningarfundur með eftirtöldum aðilum miðvikudaginn 2. desember 2021:

- Skólaráð Hlíðaskóla
- Skólaráð Háteigsskóla
- Skólaráð Hlíðaskóla
- Stjórn foreldrafélags Hlíðaskóla
- Stjórn foreldrafélags Háteigsskóla
- Stjórn foreldrafélags Austurbæjarskóla
- Starfsmenn skóla- og frístundastarfs (Hlíðaskóla, Austurbæjarskóla og Háteigsskóla auk frístundaheimilanna Eldflaugarinnar, Halastjörunnar og Draumalands, félagsmiðstöðvanna 105, Gleðibankans og 100og1 auk deildarstjóra og framkvæmdastjóra frístundamiðstöðvarinnar Tjarnarinnar)
- Íbúaráð
- Ungmennaráð



Fundurinn þann 2. desember var rafrænn og tekinn upp og því möguleiki á að nota upptökuna til frekari umræðna og vinnu við umsagnir. En í framhaldi af fundinum var ofantöldum boðið að senda inn umsagnir um tillögur skýrslunnar. Skilafrestur á umsögnum var 1. febrúar 2022 og framlengdur til 15. febrúar.

Þann 14. desember 2021 var skýrslan kynnt fyrir íbúaráði Miðborgar og Hlíða og þann 10. febrúar 2022 voru tillögur skýrslunnar kynntar fyrir stjórnnum foreldrafélaga skólanna þriggja.

Vinnusmiðja með börnum og unglingum úr ofangreindum skólum var haldin 17. mars s.l. með virkri þátttöku yfir 100 nemenda úr skólunum þremur. Einnig var kallað eftir röddum barna úr 1. – 4. bekk skólanna þriggja um tillögurnar fimm og var það unnið í samstarfi við frístundaheimilin og yngsta stig grunnskólanna þriggja.

Nú er unnið að samantekt úr þeim umsögnum sem bárust og verður sú samantekt kynnt fyrir skóla- og frístundaráði.